

UNIVERZITET U TUZLI

Broj: 01-72-JN-8/15 LOT 3

Tuzla, 27.11.2015. godine

Na osnovu člana 69. stav (2). Zakona o javnim nabavkama BiH («Službeni glasnik BiH» broj: 39/14) i člana 89. Statuta Univerziteta u Tuzli (Drugi prečišćeni tekst) broj: 03-2776-3/14-1 od 21.05.2014. godine, a nakon razmatranja Zapisnika Komisije o ocjeni ponuda broj: 01-72-JN-7/15 LOT 3 od 23.11.2015. godine, Rektor Univerziteta u Tuzli donio je

ODLUKU o poništenju postupka javne nabavke

I

Poništava se Otvoreni postupak javne nabavke pokrenut Odlukom broj: 01-72-JN-1/15 od 05.10.2015. godine za nabavku svježeg voća i povrća za potrebe restorana Studentskog centra sa sukcesivnom isporukom do 31.12.2016. godine (LOT 3) Univerziteta u Tuzli, iz razloga što primljena ponuda nije prihvatljiva za Univerzitet u Tuzli.

II

Ova Odluka će se objaviti na internet stranici Univerziteta u Tuzli, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 2. Zakona o javnim nabavkama BiH.

III

Uz ovu Odluku ponuđačima koji su učestvovali u postupku javne nabavke izvršiće se dostavljanje i Zapisnika o pregledu i ocjeni ponuda u skladu sa članom 71. stav 2. Zakona o javnim nabavkama BiH, u roku od sedam dana od dana donošenja.

IV

Ova Odluka stupa na snagu danom donošenja.

obrazloženje

Univerzitet u Tuzli pokrenuo je Otvoreni postupak javne nabavke Odlukom broj: 01-72-JN-1/15 od 05.10.2015. godine i objavio obavještenje o nabavci broj: 795-1-1-61-3-31/15 od 12.10.2015. godine na Portalu e-nabavke, „Službenom glasniku BiH“ broj: 81/15 i web stranici Univerziteta.

Komisija za javne nabavke imenovana Rješenjem Rektora Univerziteta, blagovremeno je dostavila Zapisnik o otvaranju ponuda i Zapisnik o pregledu i ocjeni pristiglih ponuda. Iz navedenih zapisnika proizilazi da je u predmetnom postupku pristigla jedna ponuda od strane ponuđača Zemljoradnička zadruga „Gračanka“ Gračanica.

Pregledom dostavljene ponude Komisija je utvrdila da navedeni ponuđač nije dostavio dokaz zahtijevan tačkom 3.5.2.) Tenderske dokumentacije i to nije dostavio potvrde koje su izdali naručioca posla, kao dokaz o uredno isporučenim robama iz predmeta nabavke. Zbog navedenog razloga Komisija je ovog ponuđača ocijenjila nekvalifikovanim i njegovu ponudu odbila kao neprihvatljivu te predložila da se provedeni postupak poništi u skladu sa članom 69. stav (2) Zakona o javnim nabavkama BiH.

Cijeneći sve izneseno Rektor Univerziteta je prihvatio preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba ugovornom organu Univerzitetu u Tuzli u roku od 10 (deset) dana od dana njenog prijema, na adresu dr. Tihomila Markovića br.1.

Prilog: Zapisnik o pregledu i ocijeni ponuda broj:

01-72-JN-7/15 LOT 3 od 23.11.2015. godine

DOSTAVITI:

1x učesniku

1x a/a

